

BIBLIOTECA PUBLICO NA ACURIL

ORANJESTAD(AAN)—
Di dia 12 pa 17 di Mei,
Acuril, cu ta e Asocia-
cion di Bibliotecanan den
Caribe, a celebra su
convencion anual na Puer-
to Rico. Tema principal
e aña aki tabata uso di
informacion pa comunidad
y miembronan di Biblio-
teca den area di Caribe.
Keynote speaker tabata
señora Margareth Chart-
rand, Public Relation
Manager di Metropolitan
Toronto Library Board.

El a elabora ariba e
miembro y no miembro-
nan cu ta haci uso di
biblioteca den area di
Caribe.
Un punto principal ta
cu pa bo duna bon servi-
cio bo mester sabi e nece-
sidad di e comunidad,
di e miembro pues, y bo
mester satisface e necesi-
dad den un forma cu ta
atrae publico pa haci uso
di bo servicio.
Estudionan mester wor-

do haci pa determina kico
ta e necesidadnan pa
medio di marketing, un
metodo cu señora Char-
trand papia en extenso
ariba dje.
Biblioteca di Aruba y
di otro paisnan di Caribe
a ricibi un bon y valioso
instruccion con pa prom-
ove y mantene miembro-
nan door di ofrece un
servicio util y dirigi nan.
Di Aruba dos participan-
te por a asisti gracias na e
bon ayudo di ALM y
Fundacion Centro Cul-
tural Aruba.

E siguiente aña e sede
di e conferencia lo ta
St. Croix, Islas Virgines,
caminda Aruba lo ta
representa den directiva di

Acuril pa medio di Alic- sumi e puesto di Vice Pre-
van Romondt, kenda a a- sidente.

MATANAN CU ENFERMEDAD A KEDA DESTRUI

ORANJESTAD(AAN)—
Matanan cu tabata tin en-
fermedad, a keda destrui
ayeramainta na Santa
Rosa.

Despues di un informe,
cu tractor lo ta destruyen-
do un cantidad di mata
yen di fruta na Santa Ro-
sa, DIARIO inmediatamente
a trata di averigua kico
tabata pasando.

Un funcionario a splica
cu a constata maleza na
e matanan y cu esaki a
haci necesario pa destrui e

matanan en cuestion y
asina evita cu e maleza
a sigui plama.

No tabata trata di un
epidemia di ningun forma,
segun DIARIO a wordo
informa, pero simplemente
den e plantacion a descu-
bri e maleza cu mester a
wordo destrui na raiz.

Tabata trata di mata-
nan di fruta di citrus, cu
tin tambe na otro proyec-
tonan, y den ningun caso
ta asina cu Santa Rosa ta
destrui mata sin mas.

AGENTENAN CU A BAY CU PENSIOEN TA WORDO ACERCA

ORANJESTAD(AAN) —
Di fuente generalmente
bon na altura, DIARIO
a wordo informa cu varios
ex agente policial a wordo
acerca pa mira si nan tin
interes di reforza e Cuer-
po Policial.

Esaki pa por alivia e
situacion cu lo surgi na

momento cu esnan cu ta
na Aruba actualmente,
pero a pidi traslado pa
otro isla, bandona e
seccion di Cuerpo Policial
na Aruba.

Aparentemente un co-
mision mester papia cu e
ex agentenan policial en-
volvli.

UN EROR

Den edicion di ayera
a aparece un eror, cu a
cambia e mensaje conteni-
den e articulo completa-
mente.

Pa un motibo o otro,
e miembro di personal en-
carga cu e trahamento di
titularnan, a pone como
titulo di un articulo: "Pa-
reja Americano encanta cu
Arma". E titulo original-

mente tabata : "Pareja
Americano encanta cu
Aruba".

Si normalmente eror-
nan cu ta humano, por
pasa, den e caso aki, como-
quiera cu ta trata di nom-
ber di nos Isla, DIARIO
kier pidi su disculpa sin-
cero pa e eror.
Jefe di Redaccion

Dia di Tata
ESPECIAL PA NOS TATANAN
20o/o Descuento ariba tur Holoshi di Hombor
Suiso y Seiko
50o/o Descuento ariba Decanter di Crystal pa pone
whisky y hopi bon prijs ariba otro articulo manera:
Feneta di dashi, Mancorn, Armband, Cadena, Renchi, Hanger
Tur oro 14 kt of 18 kt.
y tambe Descuento ariba hopi otro articulo
PA DRECHA JOYAS NOS TIN BON SERVICIO CU
20 AÑA DI EXPERIENCIA

Lucor Jewelers
Hendrikstraat 5 Telf: 26765



**DIA DI TATA
NA
ARUBA CONCORDE HOTEL**

ADULTO: \$10.00
BUFFET
mas 10% di servicio
MENOR
DI 8 ANJA
\$ 7.00

KADUSHI COFFEE SHOP

DESPUES NA PISCINA.....
HOPI RIFA Y PREMIOS
Y MUSICA DI STEELBAND.

FELIZ DIA DI TATA

**ARUBA CONCORDE
HOTEL-CASINO**